

L'atestat zertifichëia les conescënzes linguistiches aladò di livi de competënza dl Cheder de referimënt europeich en comunanza por i lingac.		L atestat certifichëa la cunescënzes linguistiches aldò di livei de cumpetënza dl Cheder de referimënt europeich n cumenanza per i lingac.	
Livì de competënza CREL	Descriziun di livì (descriturs)	Descriziun di livei (descritëures)	Livei de cumpetënza CREC
C1 – LEVEL ALT	La candidata/Le candidat capësc tröc tesć complex y bindebó lunc y sá ince da ciagé sò le significat implizit. Ara/Alla baia coretamënter y a na moda spontana, zënza messëi se sforzè plü co en tant da chirì les parores. Ara/Al adora le lingaz te na manira da schivé repetiziuns y efiziënta por rajuns soziales, academiches y profescionales. Ara/Al sá da scrí tesć tlers, strotorá indortóra y detaiá sön argomënc complex y da adoré sciöche al alda mesi desvalis de coliamënt testual.	La candidata/L candidat ie tla cundiziuns de ntënder tes plu lonc cumplësc y ènghe de capi senificac implizic. La ie bona/L ie bon de purté a esprescion si pensieres a na maniera spontana y fluenta zënza ne messëi for inò cri la drëta paroles. La/L sà da se nuzé dl lingaz tla vita soziela y prufescionela o tl cheder dla furmazion y dl stude a na maniera efiziënta y flessibla. La/L sà da comuniché a na maniera struteda y articulada sun tematiche cumplexes y da adurvé sciche l toca i mesuns defrënc de cunliamënt.	C1 – LEVEL AUT
B2 – LEVEL MESAN ALT	Ara/Al capësc les idees fondamentales de tesć complex sön argomënc concrec y astrac y ince les discusiuns techniches te so setur de spezialaziun. Ara/Al sá da interagí coretamënter y cun spontaneité y se fej saurí da fá na conversaziun normala cun zacai che baia so lingaz dla uma. Ara/Al sá da scrí tesć tlers y articolá sön tröc argomënc y dí n'opiniun sön n argomënt d'atualité, portan dant i pro y cuntra dles opziuns desvalies.	La/L capësc i cuntenuc plu mpurtanc de tesć cumplësc sun tematiche concretes y astrates; te si ciamp prufesciunel capëscela/capëscel nce descusiuns spezialistiches. La/L sà da comuniché a na maniera tan spontana y fluenta che na conversazion normala cun rujenënc de nasciuda ie puscibla zënza de majera fadies per tramedoi pertes. La/L ie tla cundiziuns de purté a esprescion si ideies n cont de na palëta ampla de tematiche a na maniera tlera y detalieda, de tlari si minonga sun na cuestion atuela y de descrí i vantajes y i desvantajes de puscibleites defrëntes.	B2 – LEVEL MESAN AUT
B1 – LEVEL MESAN	Ara/Al capësc i punc essenziail de messaji tlers sön argomënc familiars sce an adora n lingaz tler sön le laur, a scora, tl tēmp lēde, y i.i. Ara/Al s'la cava te tröpes situaziuns che pó gní a se le dé canche an é sön le iade te na regiun olache an baia chël lingaz. Ara/Al sá da scrí tesć scēmpli y coerënc sön argomënc familiars o interessanc. Ara/Al sá da descrí esperiënzes y avenimënc, soms, speranzes, ambiziuns, da porté dant en cört rajuns y dé spligaziuns sön opiniuns y proiec.	La/L ntënd i ponc plu mpurtanc sce l lingaz adurvà ie tler y sce la va de cosses cunesciudes dl ciamp dl lēur, dla scola, dl tēmp liede y n.i. La/L sà da se deriejier tla majera pert dla situaziuns te chēles che n ruva canche n ie tl raion te chēl che l lingaz vën rujenà. La/L sà da comuniché te na maniera cunlieda sun tematiche cunesciudes y ciamps de nteres persunei. La/L sà da cunté de esperiënzes y ntraunides y da descrí sēmies, speranzes y travercoche nce da mutivé y tlari n curt proiec y minonghes.	B1 – LEVEL MESAN
A2 – LEVEL DE BASA	Ara/Al capësc frases y espresciuns che vëgn adorades gonot te ciamps che an capësc atira (por ej. informaziuns de basa sön la porsona y sön la familia, le cumpré ite, la geografia locala, le laur). Ara/Al sá da comuniché te ativités scēmples y de routine che se damana ma n barat d'informaziuns scēmpl y diret sön argomënc familiars y abituai. Ara/Al sá da descrí cun parores scēmples aspec de sūes esperiënzes y de so ambiënt y elemënc che se referësc ai pröms bojëgns.	La/L ntënd esprescions adurvedes suvënz che taca adum cun cosses de mpurtanza y da uni di (p.ej. nformaziuns sun la persona y sun la familia, l cumpré ite, l lēur y l ntēurvia). La/L sà da comuniché te situaziuns scēmples da uni di, te chēles che la va de n barat scēmpl y diret de nformaziuns sun cosses cunesciudes. La ie bona/L ie bon, cun mesuns scēmpli, de descrí si esperiënzes sciche nce si pruvienza y istruzion, si ntēurvia diret y cosses liedes ai prim bujëns.	A2 – LEVEL DE BASA
L'atestat de conescënza dl lingaz ladin vel por dagnora.		L atestat de cunescënza dl lingaz ladin vel per for.	
Sorvisc Ejams de bi- y trilinguism www.provincia.bz.it/trilinguism		Sorvisc Ejams de bi- y trilinguism www.provincia.bz.it/trilinguism	